

შპს „საქართველოს ფოსტა“



გამარტივებული ელექტრონული ტენდერის საშუალებით კონდენციონერებისა და ცენტრალური გათბობის შეკეთების და ტექნიკური მომსახურების სახელმწიფო შესყიდვის სატენდერო დოკუმენტაცია (CPV: 50700000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების საფუძველზე.

ქ. თბილისი, 2015 წ.

სარჩევი

1. სატენდერო დოკუმენტაცია	3
2. ხელშეკრულება სახელმწიფო შესყიდვის შესახებ (პროექტი)	5
3. დანართი #1	8

სატენდერო დოკუმენტაცია

შესყიდვის ობიექტია: კონდენციონერებისა და ცენტრალური გათბობის შეკეთება და ტექნიკური მომსახურება.

1. ტექნიკური დავალება:

- 1.1. კონდენციონერებისა და ცენტრალური გათბობის შეკეთება და ტექნიკური მომსახურება (სერვისი) გულისხმობს შემსყიდველი ორგანიზაციის (შპს „საქართველოს ფოსტა“) საკუთრებაში არსებული „სპლიტ“ და არსებული ტიპის კონდენციონერებისა და ცენტრალური გათბობის სისტემების დროულ და სრულყოფილ შეკეთებას, პროფილაქტიკური და დიაგნოსტიკური სამუშაოების ჩატარებას, მათი ნაწილების შეკეთებას და/ან გამოცვლას.
- 1.2. კონდენციონერების და ცენტრალური გათბობის სისტემების სავარაუდო ჩამონათვალი (მათი მოდელების და ადგილმდებარეობის მითითებით) მოცემულია სატენდერო დოკუმენტაციის დანართ #3-ში და წარმოადგენს მის განუყოფელ ნაწილს. მათი რაოდენობა შესაძლებელია გაიზარდოს ან შემცირდეს ხელშეკრულების მიმდინარეობისას.
- 1.3. მომსახურების გაწევა უნდა განხორციელდეს პრეტენდენტის მიერ წარმოდგენილ ფასების ცხრილში (დანართი #2, პრეისკურანტი) მითითებულ შესაბამისი საქონლის და მომსახურების დასახელების და ფასის შესაბამისად. მომსახურების გაწევა უნდა განხორციელდეს დანართ #3-ში მოცემული კონდენციონერებისა და ცენტრალური გათბობის სისტემების ჩამონათვალის შესაბამისად.
- 1.4. თუ ხელშეკრულების მოქმედების პერიოდში აღმოჩნდება, რომ განფასების ცხრილში (პრეისკურანტში) არ არის გათვალისწინებული იმ მომენტისათვის საჭირო საქონელი (ნაწილები) და მომსახურება, აღნიშნული ერთეულ(ებ)ის ფასი მისი შესყიდვის აუცილებლობისას, დგინდება მხარეთა შორის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში საქონლის რომელიმე ერთეულ(ებ)ის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.
- 1.5. პრეისკურანტის სავარაუდო ღირებულება განისაზღვრება **5,056.00 (ხუთი ათას ორმოცდათექვსმეტი)** ლარით, დღგ-ს გარეშე.
- 1.6. ტენდერში გამარჯვებულ პრეტენდენტთან ხელშეკრულება გაფორმდება **30,000.00 (ოცდაათი ათასი)** ლარზე, სატენდერო წინადადების ფასი კი წარმოდგენილი უნდა იყოს სატენდერო დოკუმენტაციის დანართი #3-ში მოცემული საქონლის ერთეულის ფასების ჯამურ ღირებულების შესაბამისად, მაგრამ არაუმეტეს ტენდერის ჩატარების შესახებ განცხადებაში მითითებული პრეისკურანტის სავარაუდო ღირებულებისა.
- 1.7. **აუცილებელი პირობა:** პრეტენდენტის მიერ შესყიდვების ერთიანი ელექტრონული სისტემის მეშვეობით წარმოდგენილ მომსახურების პრეისკურანტში მითითებული ერთეულის ფასები არ უნდა აღემატებოდეს შემსყიდველის მიერ მომსახურების პრეისკურანტის შესაბამის გრაფაში მითითებულ ერთეულის სავარაუდო ფასებს.
- 1.8. შემსყიდველის მიერ სისტემაში ატვირთული პრეისკურანტისა და პრეტენდენტის მიერ წარმოდგენილ ფასებს შორის სხვაობა დაანგარიშდება პროცენტულად. პრეტენდენტმა აღნიშნული პროცენტული მაჩვენებლის მიხედვით პროპორციულად უნდა შეამციროს თითოეული საქონლისა და მომსახურების ღირებულება.

2. სატენდერო წინადადების ფასის გაანგარიშების მეთოდი:

- 2.1. სატენდერო წინადადების ფასი გამოსახული უნდა იყოს ეროვნულ ვალუტაში - ლარში. სატენდერო წინადადების ფასი მოიცავს შესყიდვის ობიექტის მიწოდებასთან დაკავშირებით მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, **გარდა დამატებითი ღირებულების გადასახადისა.**
- 2.2. პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია პრეისკურანტის ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად. დღგ-ს გადამხდელობის შემთხვევაში პრეტენდენტმა უნდა წარმოადგინოს დამადასტურებელი დოკუმენტი.

3. შესყიდვის ობიექტის მიწოდების ადგილი და ვადები:

- 3.1. შესყიდვის ობიექტის მიწოდება (მომსახურების გაწევა) უნდა განხორციელდეს მიმწოდებლის ხარჯით, საქართველოს მთელ ტერიტორიაზე.
- 3.2. შესყიდვის ობიექტის მიწოდება (მომსახურების გაწევა) განხორციელდება ხელშეკრულების გაფორმების

შემდგომ, 2015 წლის 31 დეკემბრის ჩათვლით, ეტაპობრივად, შემსყიდველის მოთხოვნიდან 1 (ერთი) სამუშაო დღეში;

3.3. ინფორმაცია გასაწევი მომსახურების ადგილის და სავარაუდო მოცულობის შესახებ მიმწოდებელს ეცნობება ელექტრონული ფოსტის საშუალებით ან/და წერილობით.

4. მიღება-ჩაბარებისა და ანგარიშსწორების პირობები:

4.1. მომსახურების გაწევა უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო საქონლის (ნაწილების) ჩამონათვალი.

4.2. შესყიდვის ობიექტის ჩაბარებისას, მიღება-ჩაბარების აქტის გაფორმებამდე რაიმე ხარვეზის აღმოჩენის შემთხვევაში მიმწოდებელი ვალდებულია უზრუნველყოს მისი გამოსწორება (გაწიოს საჭირო მომსახურება და/ან ახალი შესყიდვის ობიექტის მიწოდება) არაუგვიანეს 1 (ერთი) სამუშაო დღის ვადაში.

4.3. ანგარიშსწორების საფუძველია მხარეების უფლებამოსილი პირების მიერ ფაქტობრივად გაწეულ მომსახურებაზე გაფორმებული მიღება-ჩაბარების აქტი.

4.4. მიმწოდებელთან ანგარიშსწორება განხორციელდება მიღება-ჩაბარების აქტის გაფორმებიდან 20 (ოცი) კალენდარულ დღეში.

4.5. მიმწოდებელთან ანგარიშსწორება ხორციელდება უნაღდო ანგარიშსწორებით ეროვნულ ვალუტაში;

4.6. საავანსო ანგარიშსწორება არ გამოიყენება.

5. საგარანტიო ვადები და პირობები:

5.1. მიმწოდებელი ვალდებულია შესყიდვის ობიექტზე (მომსახურების გაწევის შედეგად შეცვლილ ან შეკეთებულ ნაწილებზე) გააგრძელოს გარანტია მიღება-ჩაბარების აქტის გაფორმებიდან 1 (ერთი) წლის განმავლობაში. სწორი ექსპლუატაციის პირობებში საგარანტიო ვადაში შესყიდვის ობიექტის რაიმე ხარვეზის გამოვლენის შემთხვევაში მიმწოდებელი ვალდებულია უზრუნველყოს მისი გამოსწორება 1 (ერთი) სამუშაო დღეში (გაწიოს საჭირო მომსახურება და/ან ახალი შესყიდვის ობიექტის მიწოდება), შემსყიდველის მხრიდან რაიმე დამატებითი ხარჯების გარეშე.

6. საბანკო გარანტია:

6.1. ხელშეკრულების უზრუნველყოფის საბანკო გარანტია არ მოითხოვება.

7. დამატებითი მოთხოვნები:

7.1. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

7.2. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

7.3. სხვადასხვა ვალუტაში გამოსახული სატენდერო წინადადებები არ განიხილება.

8. სისტემაში ასატვირთი მონაცემები:

8.1. რეკვიზიტები დანართი #1-ის შესაბამისად;

8.2. შევსებული ფასების ცხრილი (პრეისკურანტი) დანართი #2-ის შესაბამისად;

8.3. პრეტენდენტი ვალდებულია სატენდერო წინადადება (მოთხოვნილი დოკუმენტაცია) წარმოადგინოს სრულყოფილად შევსებული, ხელმოწერილი უფლებამოსილი პირის მიერ და ბეჭედდასმული (ასეთის არსებობის შემთხვევაში).

8.4. აღნიშნულ დოკუმენტებზე ხელმოწერით და სისტემაში ატვირთვით პრეტენდენტი ეთანხმება სატენდერო დოკუმენტაციის ყველა იმ მოთხოვნას, რომელთა შესახებ ინფორმაციის წარმოდგენა ან/და სახელმწიფო შესყიდვების ერთიან ელექტრონულ სისტემაში ატვირთვა არ არის სავალდებულო.

9. დამატებითი ინფორმაცია:

9.1. სატენდერო დოკუმენტაციასთან დაკავშირებული განმარტების ან/და დაზუსტების მიღება პრეტენდენტს შეუძლია წერილობითი მიმართვის შემთხვევაში შემდეგ მისამართზე: ქ. თბილისი, ვაგზლის მოედანი #2.

საკონტაქტო პირები:	სოსო ჯანაშვილი;	577 05 60 50;	s.janashvili@gpost.ge
--------------------	-----------------	---------------	-----------------------

ხელშეკრულება სახელმწიფო შესყიდვის შესახებ (პროექტი) # T--

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

_____ 2015 წ.

ერთის მხრივ, შპს „საქართველოს ფოსტა“ (შემდგომში - „შემსყიდველი“), მისი გენერალური დირექტორის პირველი მოადგილის გრიგოლ მატუაშვილის სახით და მეორეს მხრივ, _____ (შემდგომში - „მიმწოდებელი“) მისი დირექტორის _____ სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, SPA _____ გამარტივებული ელექტრონული ტენდერის ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში - „ხელშეკრულება“) შემდეგზე:

მუხლი 1. შესყიდვის ობიექტი

- 1.1. შესყიდვის ობიექტს წარმოადგენს: კონდენციონერებისა და ცენტრალური გათბობის შეკეთება და ტექნიკური მომსახურება (შემდგომში „მომსახურება“), CPV კოდი: 50700000.
- 1.2. შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.
- 1.3. შესყიდვის ობიექტის რაოდენობა, ერთეულის ფასი და საერთო ღირებულება განისაზღვრება პრეისკურანტით, რომელიც თან ერთვის ხელშეკრულებას დანართ #_-ის სახით და წარმოადგენს ამ ხელშეკრულების განუყოფელ ნაწილს.

მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს _____ (_____) ლარს.
- 2.2. ხელშეკრულების ღირებულება მოიცავს კანონმდებლობით გათვალისწინებულ ყველა გადასახადს.

მუხლი 3. მხარეთა უფლება-მოვალეობები

3.1. შემსყიდველის უფლება აქვს:

- 3.1.1. შეამოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან;
- 3.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება.
- 3.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისერი შესრულება.

3.2. შემსყიდველი ვალდებულია:

- 3.2.1. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
- 3.2.2. დაიცვას ხელშეკრულებით გათვალისწინებული პირობები.

3.3. მიმწოდებელს უფლება აქვს:

- 3.3.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

3.4. მიმწოდებელი ვალდებულია:

- 3.4.1. უზრუნველყოს ხელშეკრულების პირობების შესრულება.
- 3.4.2. შემსყიდველს მიაწოდოს ხარისხიანი შესყიდვის ობიექტი, რომელიც არ გამოავლენს დეფექტებს.
- 3.4.3. შესყიდვის ობიექტის ჩაბარებისას, მიღება-ჩაბარების აქტის გაფორმებამდე რაიმე ხარვეზის აღმოჩენის შემთხვევაში უზრუნველყოს ხარვეზის გამოსწორება (გაწიოს საჭირო მომსახურება და/ან ახალი შესყიდვის ობიექტის მიწოდება) არაუგვიანეს 1 (ერთი) სამუშაო დღის ვადაში.

მუხლი 4. საქონლის მიწოდების ადგილი და ვადა

- 4.1. შესყიდვის ობიექტის მიწოდება (მომსახურების გაწევა) უნდა განხორციელდეს მიმწოდებლის ხარჯით, საქართველოს მთელ ტერიტორიაზე.
- 4.2. შესყიდვის ობიექტის მიწოდება (მომსახურების გაწევა) განხორციელდება ხელშეკრულების გაფორმების შემდგომ, 2015 წლის 31 დეკემბრის ჩათვლით, ეტაპობრივად, შემსყიდველის მოთხოვნიდან 1 (ერთი) სამუშაო დღეში;
- 4.3. ინფორმაცია გასაწევი მომსახურების ადგილის და სავარაუდო მოცულობის შესახებ მიმწოდებელს ეცნობება ელექტრონული ფოსტის საშუალებით ან/და წერილობით.

მუხლი 5. შესყიდვის ობიექტის მიღება-ჩაბარების წესი

- 5.1. მომსახურების გაწევა უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო საქონლის (ნაწილების) ჩამონათვალი.
- 5.2. მომსახურება მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.
- 5.3. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს შპს „საქართველოს ფოსტის“ _____.
- 5.4. ხელშეკრულების 3.4 პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯის გაწევის გარეშე.

მუხლი 6. ანგარიშსწორება

- 6.1. ანგარიშსწორება განხორციელდება უნაღდო ანგარიშსწორებით ეროვნულ ვალუტაში.
- 6.2. ანგარიშსწორების საფუძველია მხარეების უფლებამოსილი პირების მიერ ფაქტობრივად გაწეულ მომსახურებაზე გაფორმებული მიღება-ჩაბარების აქტი.
- 6.3. მიმწოდებელთან ანგარიშსწორება განხორციელდება, მიღება-ჩაბარების აქტის გაფორმებიდან 20 (ოცი) კალენდარული დღის ვადაში.

მუხლი 7. საგარანტიო ვადები და პირობები

- 7.1. მიმწოდებელი ვალდებულია შესყიდვის ობიექტზე (მომსახურების გაწევის შედეგად შეცვლილ ან შეკეთებულ ნაწილებზე) გაავრცელოს გარანტია მიღება-ჩაბარების აქტის გაფორმებიდან 1 (ერთი) წლის განმავლობაში. სწორი ექსპლუატაციის პირობებში საგარანტიო ვადაში შესყიდვის ობიექტის რაიმე ხარვეზის გამოვლენის შემთხვევაში მიმწოდებელი ვალდებულია უზრუნველყოს მისი გამოსწორება 1 (ერთი) სამუშაო დღეში (გაწიოს საჭირო მომსახურება და/ან ახალი შესყიდვის ობიექტის მიწოდება), შემსყიდველის მხრიდან რაიმე დამატებითი ხარჯების გარეშე.

მუხლი 8. ხელშეკრულებაში ცვლილებების შეტანა და შეწყვეტა

- 8.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 9. მხარეთა პასუხისმგებლობა

- 9.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 9.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების 1 %-ის ოდენობით ყოველ ვადაგადაცილებულ დღეზე.
- 9.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 9.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

მუხლი 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან.

11.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 12. სადავო საკითხების გადაწყვეტა

12.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

მუხლი 13. ხელშეკრულების მოქმედების ვადა

13.1. წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2016 წლის 31 იანვრის ჩათვლით, ხოლო საგარანტიო მომსახურების ნაწილში მე-3 მუხლის 3.4.4. პუნქტის შესაბამისად.

მხარეთა რეკვიზიტები და ხელმოწერები:

„შემსყიდველი“

შპს „საქართველოს ფოსტა“
ს/კ: 203 836 233
მის: ქ. თბილისი, ვაგზლის მოედანი #2
ტელ: (032) 234 59 76
ს.ს. „პრივატ ბანკი“
ბანკის კოდი: CAVOGE22
ანგარიშის # GE88TP0034080020000642

გრიგოლ მატუაშვილი

გენერალური დირექტორის
პირველი მოადგილე

„მიმწოდებელი“

შპს:
ს/კ:
მის:
ტელ:
ს.ს.
ბანკის კოდი:
ანგარიშის #

დირექტორი

რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის სახელი და გვარი: _____

პრეტენდენტის იურიდიული და ფაქტიური მისამართი: _____

საიდენტიფიკაციო კოდი: _____

პრეტენდენტის ტელეფონის ნომერი: _____

ელექტრონული მისამართი / ელ-ფოსტა: _____

ბანკის დასახელება: _____

ბანკის კოდი/ SWIFT: _____

ანგარიშსწორების ანგარიში: _____

უფლებამოსილი პირი (თანამდებობა/სახელი, გვარი): _____

ხელმოწერა/ბეჭედი